


☒ Utusan Malaysia
☐ Mingguan Malaysia
Tarikh: 6/6/2012
Hari: Rabu M/S: 26
Ruangan: HEO K.M.M.



MOHAMED Mustafa Isahak (tengah) pada Majlis Pengantaraan Diploma Eksekutif Kali Ke-8 di Dewan Muadzam Shah, UUM, Sintok, Kedah, semalam.



MOHAMED Mustafa Isahak (kanan) menyampaikan diploma kepada salah seorang graduan pada Majlis Pengantaraan Diploma Eksekutif Kali Ke-8 di Dewan Muadzam Shah, UUM, Sintok, Kedah, semalam.

UUM sediakan ruang kepada masyarakat melalui pembelajaran sepanjang hayat

1,060 terima Diploma Eksekutif

Oleh **SABULAH DARWI**
sabar@utusan.com.my

KUBANG PASU 5 Jun - Seramai 1,060 graduan di pusat pengajian di seluruh negara menerima Diploma Eksekutif dalam pelbagai bidang di Universiti Utara Malaysia (UUM), Sintok di sini hari ini. Diploma tersebut disampaikan oleh Nab Canselor UUM, Prof. Datuk Dr. Mohamed Mustafa Isahak

pada Majlis Pengantaraan Diploma Eksekutif Kali Ke-8 di Dewan Muadzam Shah.

Antaranya ialah Diploma Eksekutif Pendidikan dan Perkembangan Awal Kanak-kanak, Diploma Eksekutif Pengajian Islam dengan Syaria, Diploma Eksekutif Pengurusan Perniagaan, Diploma Eksekutif Kewangan dan Perbankan Islam, Diploma Eksekutif Pengurusan Ke-pimpinan dan Diploma Eksekutif

Pengurusan Sumber Manusia. Mohamed Mustafa berkata, UUM menyediakan ruang dan peluang kepada masyarakat melalui program pembelajaran sepanjang hayat agar semua rakyat mendapat manfaat hasil kewujudan universiti itu.

"Selaras dengan tanggungjawab universiti kepada masyarakat dan juga menyahut seruan Kementerian Pengajian Tinggi (KPT) untuk mem-

bawa pendidikan kepada anda semua, maka UUM melalui Pusat Pembangunan Eksekutif (PPE) mengadakan kerjasama strategik dengan pihak industri dan membuka pusat pembelajaran di seluruh negara.

"Usaha sebagai membolehkan golongan bekerja mengikuti kelas dan mod pengajian secara lebih fleksibel tanpa perlu meninggalkan kerja dan tugas masing-masing," katanya ketika berucap pada majlis

itu.

Kata beliau, berdasarkan penyelidikan yang dijalankan serta maklum balas yang diterima dari semasa ke semasa, PPE sentiasa memper-baik mutu program yang ditawarkan agar masyarakat dapat membuat pemilihan yang tepat cita rasa masing-masing dan seiring dengan keperluan pasaran.

Mohamed Mustafa juga berharap pihak industri akan sentiasa men-

beri maklum balas positif, sokongan dan kerjasama padu kepada universiti tersebut dalam menjalankan program yang cukup penting itu.

"Sokongan dan kerjasama tersebut akan membolehkan UUM memenuhi keperluan pasaran dan seterusnya menawarkan program yang boleh menjamin kerjaya lebih mantap dan seterusnya meningkatkan Malaysia pada landasan kukuh serta berdaya saing," katanya.